

mentis appropriasse. Cum autem Angli pedem in Hibernia fixissent, Hugo Laceius maximam ejus partem subjugavit, illique in feudum concessit Rex Henricus secundus, *Dominumque de Media* dixit, qui ab Hibernico dum *Derryvatha* castrum conderet ex improvise capite truncatus; ille duos filios suscepit Hugonem Comitem Ultoniæ, & Valterum Dominum de *Trim*, qui Gilbertum superstiti patre defunctum genuit. Per Gilberti autem filias Margaretam & Matildem, altera pars per *Ienvillos* ex familia Lotharingica, & *Mortuomarios* in domanium Regium, Petrus enim de *Ienevill* ex illa Matilde natus Ioannâ Rogero de *Mortuomari* Comiti *Marchia* enuptam genuit; altera per *Verdonos* ad varias in Anglia familias est devoluta. Patrû memoria in duas partes publico ordinum conventu divisa fuit hæc regio, in Mediam scilicet Orientalem, & Occidentalem. Orientalem *Boandus* flu. qui Ptolemæo *Buvinda* primum interfluit, & postea cum *Droghda* elegans & frequens opidum a ponte sic dictum alluerit, hanc partem ab Ultonia secludit. Occidentalis Media præter *Laberum* jam dictum, & *Delvin*, quæ olim Petrum *Meset*, nunc clarissimam Nogentornm ex Anglia familiam Baronis honore exornat, nihil memorandum habet. Gilbertus enim *Nogent* (ut habet Richardus Stanihurstius, qui de rebus Hibernicis diserte scripsit) vir census equestris ob operâ bello Hibernico egregie navatâ Delviniæ & Fourniæ coloniis ab Hugone Laceio Mediæ expugnatore donatus erat, è cuius stirpe Delvine Barones enati sunt. Hibernicas gentes *O Malaghlen*, *Mac Coghlan*, *O Madden*, *Magoghigan*, quorum vel nomina barbarum quiddam strepunt, libenter aliis relinquimus. In Media autem opida numerantur *Pontana*, quæ vulgariter *Droghe* *Opidorû nomina* *na*. *daia* nominatur, opidum lautissimum, portum habens navium stationi perappositum. Sunt tamen qui mediam hujus opidi partem, nimirum trans flumen, in Ultonia ponant. Infunt item in Media, *Molingaria*, *Fournia*, *Delvina*, *Trimmia*, *Kellesia*, *Navania*, *Aboia*, *Dulekia* & *Scrinia*. Sunt & in hac provincia prope Foneram tres *Lacus*. Lacus ab invicem non remoti, quorum quilibet Piscium suum genus continet: ad quem nunquâ alii Pisces accedunt, licet tamen fluminis interlabētis beneficio vias commēabiles habeant: quinimo si Piscis unius ad Lacû alterius deferatur, aut moritur aut ad priorem redit. Fluvii hic sunt *Boandus* de quo supra, qui a velocitate nominatus videtur: *Boan* enim tam Hibernico quam Britannico idiomate velocem denotat. *Trim* opidum est melioris notæ, & antiqua quasi Baronia Laceiorum. Est & *Sineus* flu. quem inter Mediam & Connaciam interlabi diximus, hic Ptolemæo *Senus*, Orofio *Sena*, accolis vero *Schannin* dicitur, id est, *Flumen antiquum*. E Theine montibus in Ultonia effunditur, *Macolicum*, nunc, (ut Mercator noster observavit) *Malc* cuius meminit Ptolemæus, invisit, statimque ab altero spatioso lacu excipitur (*Lough Reguib* appellant) cuius nomen, & situs *Rigiam* urbem quam Ptolemæus eo loci statuit, non procul abfuisse quodammodo subinnuit. Vbi vero Lacum hunc prætervectus angustiori alveo intra ripas se colligit *Athlon* opidum insidet, sub quo flumen ponte è vivo saxo pulcherrimo magno feditorum terrori Dominus Henricus Sidneus laudatissimus Hiberniæ Prorex non ita pridem conjunxit. Inde vero Senus maximarum navium capax diducto alveo Limiricum urbem, Hibernicis *Lounneagh*, Anglis *Limerike* amplectitur. Hinc per sexaginta plus minus milliaria Senus rectus, grandisque in Occalum properat, demumque in Oceanum Occidentalem vasto ostio ad *Knoc Patric*, id est, *Patricii collis*, evolvitur.